

LE MOT DU JOUR**BI TA KUMA****Script ID: 781****Original title: Worry****Wait Title: Hami****Paster Doug Schroeder****KUMA DAMINA**

Balemace, balemamuso i nin hera Matigi Yesu Kirisita ra. Ka ye ko i be son ka ke nin ne ye ni wagati ra ka Ala ta kuma lamen o be ne nisondiya, i nin cen i ta kantigiya koson ni jemukan na. An ta karan bena an jasin kumakan min ma o ye hami ye. Ala ta miiri ye min ye nin kumakan ko ra, jagon fe an bena o ye biblu saninman konon.

WAAJURI

Kuma min do be biblu konon Yesu ta karan ko ra o ye a waajuri min ke kuru kan, Matiyu sira 5, 6 ani 7, sira saba Matiyu kitabu damina yorow ra. Sira worona ra ni i k'a damina aya 24 ra, aya do be yi baraka b'a ra ani a be taga fo aya 34 laban na. Aya 10 be yi, a fo aya 11. Ni i be o yoro karan, Yesu ka waajuri min ke o kuma dow lo.

Ni biblu te boro ni wagati ra a to ne ka aya 24 karan i ye. "Yesu ko: «**Mago si te se ka baara ke kuntigi fla ye; sabu a bena kelen koninya ka to kelen kanu, walama a be noro kelen na, ka to kelen mafiyyanya. Aw te**

se ka ke Ala ta jonw ye, ka ke wari fana ta jonw ye. " I na b'a ra ni yoro be wari le ko fo, o na na. Kumakan min tun lo a damina ra o tun ye ko mamon walama dugukolo fen do, fen dow i be min di ka sannike, ayiwa i be se k'a fo ko ka o yira cogo were ra a be se ka ke borofenw ye. Nka can na wari ye a cogo juman ye ka se ka o yira. Ani Ala be min fo an ye ni waajuri ra, o ye ko i ka kan ka do janawoloma o fla ra. I te se ka baara ke dunuwa so ye ani ka baara ke Ala ye. I ka kan ka latigeli ke. I bena ke dunuwa den do ye ka tugu dunuwa ta miiriw bee ko k'a jini ka jafela ta kow ra k'a jini k'a lon i be se ka fen minw soro i yere ye ani cogo min na i be se ka ke jama mogwo ye? Walama i bena yoro folo di Ala ma ani k'a to dunuwanmogwo k'a ye ko i cogo ni o cogo te kelen ye, ko i nin tow te kelen ye ani i bena tugu i ta Ala sago ko. Ani ni yoro be ole fo. A be kuma hami ko ra fana. Ne be miiri ko hami a be se ka ke ko jurumunw ra ale le ka ca an ta landaw ra. Tuma do mogwo be hami fen bee ra. O be hami o ta denw ko ra.

O be hami o ta baara ko ra. O be hami wari ko ra. Furu caman cenna bi ka sababu ke wari ko ani ka to ka joro fen dow ko ra minw ka nogo, i n'a fo an bena taga dugu juman na walama an bena yelema bon juman konso, ka son baara do ma walama ka ban ra. An jagbanni lo dunuwa so ta kow ra fo nafa be fen minw na an na te olugu ra, ani sisan an b'a damina ka to ka hami. An b'a ke i n'a fo nin kow tun be anw le boro kan, nin an ye kretien ye, an b'a jini ka ko bee karifa Ala ma. An b'a daari ko a ka janto an na. An b'a daari ko a ka an mara. An b'a daari ko a ka an bo ko jugu bee ra,

k'a sɔrɔ ni an bɛ hami, o yɔrɔnin bɛɛ an bɛ na ka o doni ta ani k'a kɛ i n'a fɔ ni an tun bɛna o ko janabɔ, i n'a fɔ ni an ka kan ka wari kɛ jɔgɔn kan ani an b'a fɛ ka min kɛ ka o kɛ i n'a fɔ ni an ka kan ka kow taga cogo labɛn ani k'a faamu cogo min na an bɛna kow kɛ. Ani an bɛ kow kɛ cogo dɔ ra i n'a fɔ ni Ala tun tɛ se ka janto an na, an b'a ye tuma bɛɛ i n'a fɔ nin o ko bɛ anw le boro. A, o ka jugu. O hami b'a yira Ala ra ko can na an tɛ an jigi la a kan kɔsɛbɛ ani i ma la a ra sɛbɛ ra ko a b'i kanu ani ko a bɛna janto i ra.

Matiyu kitabu sira wɔrɔnan ka damina aya 24 ra an y'a kɛ yɔrɔ min na, o yɔrɔ bɛ taga ja ka kuma fɛn sifa bɛɛ ko ra. A bɛ kuma nalomaya hami ko ra. Can lo! Kun t'a ra ka hima min na katuguni a b'a fɔ nin yɔrɔ ra ka bɔ biblu kɔnɔ ko : a ye kɔnɔ flɛ.

Kɔnɔw flɛ o tɛ sɛnɛ kɛ, masi tɛ o boro k'a fɔ ko o bɛ siman tigɛ. O tɛ foyi mara bondo kɔnɔ ko ni teremana sera o bɛ taga o bondo ra ka taga baro bɔ a kɔnɔ. Kow tɛ kɛ ten o cogo ra. An bɛɛ k'a lɔn ko Ala bɛ janto o ra. O bɛ domuni sɔrɔ ka domu. A bɛ se ka kɛ tɔrɔgɔ ye, a bɛ se ka kɛ siman kisɛ. O bɛ binfiyeren sɔrɔ, a ka kɛ min o min ye siman kisɛ mɔrsɔni. Mɔgɔ dɔw fɛ so kɔnɔ o bɛ kɔnɔw ta domunimina bla yiri dɔ kan teremana ra waasa kɔnɔw yaalayaalatɔ o k'a lɔn ko domuni bɛ yi ka o baro fu. Ni kɔnɔw bɛ na ka domuni kɛ a flɛ ka di ten. Kɔnɔ fitini dɔ bɛ yi o b'a wele kolibri ni i ka ale ye ka lɔ ka to ka domuni kɛ (a fɔ ka to ka vagan) fiyerenw kan ka to ka o ji sama, can na nisɔndiya lo ka Ala ta danfɛn flɛ a bɛ domuni kɛra.

Sisan, min tun ye gbeleya ye Ala ka o bo yi. A ko ni Ala be se ka konow baro, aw ta lanaya ka dogo de, aw hakiri jagamini lo ko a be mun domu, i te miiri ko Ala be i kanu ani a be janto i ra ka teme o konow kan?

Ani a be payirala were ta. A ko : « Masace Sulemani ni a ta bonya bee, a ta fani, a ta derege janw bee, a ta fani pumanw bee, a k'a soro fen noroma ye ani a tun ce ka ni cogo min na, k'a soro min ye can ye a ce na ma Ala ta binfiyeren kelen ce na bo. Binfiyerenw fle, a wulenman be yi, gbema be yi kuleri sifa caman le be yi. I ka nremuguman fle ani Ala be be se ka kuleri sifa minw bee ke fiyeren kise fitiniw bee ra. I ka rosi fle bani. Ne tun ye denmisen ye tuma min na binfiyeren min tun ka di ne ye ne be na o fo i ye, ne be miiri ko ni binfiyeren fitini fitini minw be kenegbew ra o binfiyerenw lo, binfiyeren fitini fitini gbema minw be fali ni flaburubaw ninu cema ni b'a fe k'a fle i be boro ke ka o flaburu jonijoni ka boyi k'a soro ka ye ani ni nonon juru 'muguet' fana be yi. Binfiyeren minw tora ne hakiri ra ne be miiri ko o lo. Aa, binfiyeren ce puman do be yi, nka o man di ne ye ten k'a masoro a fara jani lo ani a be mago sogo sogo. Ne tun ka kan ka so do kofela siean ka bin faga ani o tun be yoro bee, an tun be o wele 'rose trémière'. O tun ce ka ni nka an ka soro ko cenni lo ka o tige ani ka baara ke ni o ye. ani Rezen sun do tun be yi an tun b'a jate i n'a fo sogoma rezensun noroma a tun ce ka ni, bulaman ka gbeya donin can na a tun ce ka ni. miiri ni kuleriw bee ra ani Ala be jinigari do ke. A ko le ko : mun na aw be hami aw ta ferebo ko ra ? Ni Ala be janto binfiyerenw

ra a ta danfenw ce ra i te se ka miiri k'a fo ko Ala bena janto i ra? I ma fisa ni o binfiyerenw ye. A fle cogo min na nafa b'a ra Ala fe. A b'a fe i k'a faamu a be a ja fo i ye. A ko i te se ka sigi yere ka miiri ani ka yelemani don tere taga cogo ra. I te se ka miniti do fara a kan, miniti 10 walama leri kelen yere.

I te se yere ka o ke i ta janamanya ra. Hali ni i be miiri a ra ka i sinsin a kan. Nalomaya lo ka hami ani ka ke i n'a fo ni i ko bee be ele le boro, k'a soro o te.

Ayiwa hakiri jigi kuma juman lo yan. Fen bee ye Ala ta ye. A bee. I miiri o ra donin. Fen bee ye Ala ta ye. Wari ni sani ni negema fenw ani fen sifa minw bee be Ala boro nin dunupa ra, o bee ye a ta ye. I miiri yiriw bee ra ! Fen minw bee kera i miiri o ra, Ala ka fen minw dan ole tara ka o ke. I miiri veri ra a bora cencen na. I miiri fen bee ra. I miiri mobili ra. Fen si le te soro mobili ra ni a ma bo Ala ta fen dila ta ra ni a k'a di gbansan. An ka payirala ta pine ra. Mana bora min le ? veri, mana, nega fen sifa juman tun, fen bee nega fen sifa bee o ye Ala ta ye. A y'a to mogo ye o fen dow ta ka ke jagon na ka fen were lalaga. Tuma dow ra an be se ka fen dow ta ka jagami jagon na ka cogoya were soro. Cogo dow be yi ka siman kisew jagami jagon na ka kise were soro minw be se ka sene yoro caman na ani wagati bee ra.

O b'a yira ko fen bee be Ala boro. Kun t'a ra ka miiri ko an be se ka kow pamina k'a soro Ala le b'a ke.

Ni yorò bẹ fẹn fla di an ma ka se k'an ta hami kow janabò. Ne bẹ miiri ko i bẹ a sebenna. Ne bẹ miiri ko i bẹ tagama ka kaja ni o ye. A fẹ hami bẹ se ka kẹ jogo dọ ye. Ne ye mọgọ dọ lón a bẹ hami ko jugu hali ni a man kan ka hami yorò min na. Ni kow taga cogo ka ji a bẹ miiri ko tuma dọ ko dọ na kẹ. Ne bẹ ne yere jiniga ko mun le bena kẹ ani a b'a damina ka to ka hami k'a sọrọ a man kan ka hami. Ayiwa, fẹn fla bẹ yi ka o jogo fanga cẹn, kuma diman dọ bẹ Esayi kitabu ra : Esayi kitabu ka di ne ye ! Ne tun ka kan ka waajuri kẹ Esayi kitabu ra ka caya, ne bẹ miiri ko yorò jumanw bẹ sọrọ a kọnọ sira 53 ani 55 o ka di layiri kọrọ ra. Kumakan dọ bẹ Ezayi kitabu ra. A to ne k'a karan i ye sa! **I bẹ hera kẹ o tigi ye; i bẹ hera kẹ a ye, sabu a b'a jigi la i kan"**. Ni kuma cogo tẹ sanga na o tẹ, nka an bẹ se ka o faamu. I bẹ hera kẹ o tigi ye, sabu a b'a jigi la i kan, a sirini b'i ra ani ka dogo i ra. O cogo le ra hera sebe bẹ sọrọ.

Sisan fẹn fla bẹ ni yorò ra mọgọ ka kan ka hami mi na. A fọlọ ye ka yorò fọlọ di Ala ma. Ka Ala bla ja fẹ. A ka kan ka kẹ sigi yorò fọlọ ra tuma bẹe. I jija ka Ala ta Masaya ni a ta terenninya le jini fọlọ. Ni o kera, a bena o fẹn tọw bẹe di i ma ka fara o kan. A bena janto i ra. A ye o layiri ta. Ayiwa a bla yorò fọlọ ra. Ale le ye fọlọ ye.

A flana : a kẹ lon bẹe ! Lon o lon kana jini k'a bẹe kẹ lógokun kelen kọnọ, k'a bẹe kẹ kalo kelen kọnọ walama san kelen kọnọ. I tẹ se ka o kẹ. A segen ka bon. Lon o lon ni a ta, lon o lon ni a ta, katuguni gbeleya caman bẹ yi

ka janto a yere ra. Kun t'a ra ka hami sini ko ra ani o dususagbe. Tere bee ni a ta. Ala ta Masaya jini folo, sigi yoro folo di a ma a ke lon o lon ko ye. Tere bee ni a ta.

KUMA LABAN

Ne teri, an sera an ta bi karan laban na, ne be i jija waasa i ka sinsin ani ka tagama lon o lon, i jigi la Ala kan a tena i to yi ni a ma i ta mago fenw di i ma, can na a bena i deme. Ala ka dugawu ke i ye.

DONKIRI LABAN